



Broj: 07-36-Sl./20

Ilijaš, 09.10.2020.godine

STRUČNA SLUŽBA OPĆINSKOG VIJEĆA I  
OPĆINSKOG NAČELNIKA

**INFORMACIJA O USPJEHU UČENIKA OSNOVNIH I SREDNJIH ŠKOLA U  
UČENJU I ODGOJU U ŠKOLSKOJ 2019/20. GODINI**

Ilijaš, oktobar 2020. godine

\*\*\*\*\*

Ul. 126. Ilijaške brigade br. 6, 71360 Ilijaš  
Tel. Fax: ++387 33 580-690,  
Transakcijski račun kod VAKUFSKE BANKE d.d. Sarajevo: 1602000000710345  
e-mail: [drustvenedjelatnosti@ilijas.ba](mailto:drustvenedjelatnosti@ilijas.ba)



Broj certifikata: CRO20063Q

## UVOD

Informacija o uspjehu učenika osnovnih i srednjih škola u učenju i odgoju u školskoj 2019/20. godini na području Općine Ilijaš pripremljena je u skladu sa Planom i programom rada Općinskog vijeća za 2020. godinu te na ovaj način upoznajemo vijećnike o općem stanju u školama. Ovim materijalom dajemo na uvid pregled uspjeha učenika u učenju i vladanju na kraju navedene školske godine, o realizaciji nastave, inkluziji, takmičenjima, slobodnim aktivnostima, društvenoj i kulturnoj djelatnosti, stručnom nadzoru nad radom škola, te oblicima saradnje i podrške Općine osnovnim školama u cilju unaprijeđenja odgojnoobrazovnog rada.

Informacija je nastala shodno zakonskim određenjima, po kojima ova značajna oblast i osnivačka prava i nadležnost pripadaju Kantonu, a kroz samoupravni djelokrug općina u oblasti osnovnog odgoja i obrazovanja definisane su nadležnosti koje pripadaju lokalnoj zajednici. Informacija je rađena na bazi školskih izvještaja o realizaciji godišnjih programa rada škola za školsku 2019/20. godinu i godišnjih programa rada škola za školsku 2020/21. godinu, te programskih i planskih aktivnosti koje provodi Općina putem nadležne službe.

### **1. STANJE U OSNOVNIM ŠKOLAMA NA PODRUČJU OPĆINE ILIJAŠ**

#### **1.1. Broj osnovnih škola**

Na području općine Ilijaš djeluje pet (5) osnovnih škola i to:

##### **1. JU OŠ "Hašim Spahić"**

##### **2. JU OŠ "Stari Ilijaš" sa područnim školama:**

- PŠ "Misoča"
- PŠ "Malešići"
- PŠ "Bioča"

##### **3. JU OŠ "Srednje" sa područnim školama:**

- PŠ "Gajevi"
- PŠ "Dragoradi"
- PŠ "Kamenica"

##### **4. JU OŠ "Podlugovi" sa područnim školama:**

- PŠ "Ljubnići"
- PŠ "Lješevo"

##### **5. PU OŠ "Đulistan"**

Broj područnih škola je osam (8) od kojih je pet (5) četverorazrednih i tri (3) trirazredne područne osnovne škole. Nastava u područnim školama provodi se u kombinovanim odjeljenjima zbog udaljenosti centralnih škola od cjelokupnog školskog područja što je u skladu sa Pegaškoškim standardima i normativima.

Pored navedenih redovnih osnovnih škola, na osnovu Rješenja Ministarstva za obrazovanje, nauku i mlade Kantona Sarajevo 2005. godine počela je sa radom Osnovna muzička i baletska škola "Novo Sarajevo" područno odjeljenje u Ilijašu, koja vrši obrazovanje djece osnovnoškolskog uzrasta u oblasti muzičke kulture.

***Vlada Kantona Sarajevo je svojom Odlukom broj: 02-04-7374-2/20 od 11.03.2020. godine, a na osnovu naredbe Kriznog štaba Ministarstva zdravstva KS, obustavila redovni nastavni proces u svim osnovnim školama, počev od 11.03.2020. godine do 25.03.2020. godine zbog pandemije koronavirusa. Istom Odlukom škole su bile obavezne, u skladu sa svojim mogućnostima, organizovati online nastavni proces počev od 12.03.2020. godine. U skladu sa navedenim, sve osnovne škole na području općine Ilijaš organizovale su online nastavni proces i to preko platforme Office 365. Odvijanje online nastavnog procesa je izvršeno u skladu sa Instrukcijom i Uputstvom Ministarstva za obrazovanje, nauku i mlade KS o provođenju online nastave.***

***Ministarstvo za obrazovanje, nauku i mlade Kantona Sarajevo je svojom Naredbom broj: 11-34-8727/20 od 24.03.2020. godine odgodio do daljnjeg realizaciju redovnog odgojno-obrazovnog procesa u svim osnovnim školama, te se u skladu sa tim nastavna godina u školskoj 2019/2020. godine završila putem online nastave. Od 12.03.2020. godine pa do kraja nastavne 2019/2020. godine svi vidovi nastave (redovna, dopunska, dodatna, slobodne aktivnosti) su održavane i realizovane online putem preko platforme Office 365. U skladu sa dopisom Ministarstva za obrazovanje, nauku i mlade KS broj: 11-34-8727-1/20 od 14.4.2020. godine, u školskoj 2019/2020. godine nije realizirana eksterna procjena znanja učenika zbog nepostojanja osnovnih pretpostavki za njenu realizaciju. Iz istih razloga, dopisom Ministarstva za obrazovanje, nauku i mlade KS broj: 11-34-8727-1/20 od 14.4.2020. godine, u školskoj 2019/2020. godine nije realizirana ni interna evaluacija znanja učenika.***

## **1.2. Broj učenika i broj odjeljenja u osnovnim školama u školskoj 2019/20. godine**

U školskoj 2019/20. godini u pet (5) osnovnih škola na području općine upisano je ukupno 2.061 učenik koji su nastavu pohađali u 106 odjeljenja. Broj upisanih učenika na početku školske 2020/21. godine iznosi 2 014 što pokazuje smanjenje broja učenika u osnovnim školama na području općine Ilijaš u odnosu na prošlu školsku godinu. Osnovna muzička i baletska škola "Novo Sarajevo" područno odjeljenje u Ilijašu broji 61 učenika raspoređenih u 6 odjeljenja.

Inkluzivno obrazovanje, pod kojim se podrazumijeva uključenost djece s poteškoćama u razvoju u redovan nastavni proces implementira se u svim školama. U školskoj 2019/20. godinu nastavu u osnovnim školama pohađao je 48 učenika sa poteškoćama u razvoju. Opservaciju učenika vršio je Centar za odgoj, obrazovanje i rehabilitaciju "Vladimir Nazor" Sarajevo, na osnovu nalaza doktora pedijatra, mišljenja logopeda i mišljenja učitelja i pedagoga. U procesu realizacije nastave u odjeljenjima u kojima ima učenika sa poteškoćama u razvoju evidentan je nedostatak asistenata u nastavi kao i logopeda koji su predviđeni Pedagoškim standardima odgojno-obrazovnog procesa.

Uporedno brojno stanje učenika i odjeljenja u osnovnim školama u školskoj 2017/18., 2018/19., 2019/20. i 2020/21. prikazano je u Tabeli br.1.

R.B.	Naziv škole	Školska 2017/18.		Školska 2018/19.		Školska 2019/20.		Školska 2020/21.	
		Broj učenika	Broj odjeljenja	Broj učenika	Broj odjeljenja	Broj učenika	Broj odjeljenja	Broj učenika	Broj odjeljenja
1.	OŠ "Stari Ilijaš"	534	25	543	26	555	27	565	28
2.	OŠ "Hašim Spahić"	645	28	635	28	614	27	601	27
3.	OŠ "Srednje"	267	17	228	17	241	17	238	18
4.	OŠ "Podlugovi"	413	23	432	23	472	24	461	25
5.	OŠ "Đulistan"	171	13	159	13	179	11	149	11
<b>Ukupno</b>		<b>2 030</b>	<b>106</b>	<b>1 997</b>	<b>107</b>	<b>2 061</b>	<b>106</b>	<b>2 014</b>	<b>109</b>

**Tabela 1. Brojno stanje učenika i odjeljenja u osnovnim školama**

### 1.3. Uspjeh učenika u učenju i vladanju na kraju školske 2018/19. godine

Prema dostavljenim Izvještajima o realizaciji Godišnjeg programa rada za školsku 2018/19. godinu te Godišnjih programa rada za školsku 2019/20. godinu od ukupnog broja učenika koji se ocjenjuju, pozitivan uspjeh ostvarilo je 1.811 učenika. Napominjemo da se ocjenjivanje učenika I razreda izvodi opisno, dok se učenici od II do IX razreda ocjenjuju brojčano. Ocjenjivanje vladanja učenika od I do IX razreda izvodi se opisno. Dalja analiza završetka 2019/20. godine dovodi nas do broja izostanaka učenika osnovnih škola koji je ovoj školskoj godini izuzetno umanjen budući da se redovan nastavni proces u osnovnim školama od 11.03.2020. godine odvijao online. Tako su u osnovnim školama naše općine učenici ukupno izostali 38.075 školskih časova, od čega je 37.828 opravdanih, a 247 neopravdanih časova. Ističemo da učenici u pravilu više izostaju opravdano ali da to ne umanjuje činjenicu da je broj izostanaka u svim školama alarmantan i da je neophodno iznalaženje rješenja za smanjenje izostanaka, neopravdanih i opravdanih.

R.B.	Naziv škole	Školska 2018/19.			Školska 2019/20.		
		Opravdani	Neopravdani	Ukupno	Opravdani	Neopravdani	Ukupno
1.	OŠ "Stari Ilijaš"	19.892	172	20.064	6.173	-	6.173
2.	OŠ "Hašim Spahić"	27.645	144	27.789	16.179	39	16.218
3.	OŠ "Podlugovi"	12.982	217	13.199	7.497	14	7.511
4.	OŠ "Srednje"	8.115	915	9.030	6.282	192	6.474
5.	OŠ "Đulistan"	7.267	8	7.275	1.697	2	1.699
<b>Ukupno</b>		<b>75.901</b>	<b>1.456</b>	<b>77.357</b>	<b>37.828</b>	<b>247</b>	<b>38.075</b>

**Tabela 2. Pregled opravdanih i neopravdanih izostanaka učenika osnovnih škola**

Iako je smanjen broj izostanaka učenika u osnovnim školama zbog provođenja online nastave, ne treba zanemariti činjenicu da je ovo problem koji postoji duže vrijeme, tako da je, prije svega, potrebno da se ova analiza provede na sastancima stručnih organa škola, vijećima učenika i roditelja, kao i u samim odjeljenskim zajednicama kako bi se kontinuiranim radom i aktivnim uključivanjem svih strana (stručni organi škola, roditelji, učenici, zajednica) došlo do dugoročnog rješenja ovog problema kada se učenici vrate u redovan nastavni proces.

R.B.	Naziv škole	Odličan	Vrlodobar	Dobar	Dovoljan	Preveden	Nedovoljan	Srednja ocjena uspjeha
1.	OŠ "Stari Ilijaš"	283	144	59	5	-	-	4,43
2.	OŠ "Hašim Spahić"	378	115	51	4	1	-	4,58
3.	OŠ "Podlugovi"	242	136	38	-	-	-	4,49
4.	OŠ "Srednje"	145	47	12	-	-	-	4,50
5.	OŠ "Đulistan"	119	29	3	-	-	-	4,68
<b>Ukupno</b>		<b>1.167</b>	<b>471</b>	<b>163</b>	<b>9</b>	<b>1</b>	<b>-</b>	<b>4,53</b>

***Tabela 3. Pregled uspjeha učenika osnovnih škola u učenju tokom školske 2019/20.***

U tabeli 3. prikazan je uspjeh učenika u učenju na kraju školske 2019/20. godine. Prema planu i programu rada za devetogodišnju osnovnu školu, učenici prvih razreda se opisno ocjenjuju i prema izvještajima osnovnih škola svi učenici su savladali predviđene sadržaje do stepena samostalne primjene znanja ili uz manju pomoć voditelja odjeljenja.

Srednja ocjena općeg uspjeha za svih pet javnih ustanova osnovnih škola je 4,53.

### **Odgojno-disciplinske mjere**

Od ukupnog broja učenika kojima se izriču odgojno-disciplinske mjere (učenici od IV do IX razreda), a koji su pohađali školsku 2019/20. godinu za jednog (1) učenika izrečena je disciplinska mjera i to ukor razrednika.

U tabeli 4. prikazan je pregleda vladanja učenika u osnovnim školama na području općine Ilijaš. Prikazano stanje pokazuje da su učenici tokom školske 2019/20. godine ostvarili primjereno vladanje što je bio i trend prethodnih školskih godina.

R.B.	Naziv škole	Primjerno	Vrlodobro	Dobro	Zadovoljava	Loše
1.	OŠ "Stari Ilijaš"	366	1	-	-	-
2.	OŠ "Hašim Spahić"	432	-	-	-	-
3.	OŠ "Podlugovi"	416	-	-	-	-
4.	OŠ "Srednje"	162	-	-	-	-
5.	OŠ "Đulistan"	103	-	-	-	-

**Tabela 4. Pregled vladanja učenika osnovnih škola**

#### **1.4. Nastavnici, stručni saradnici i ostali uposlenici u osnovnim školama na području općine Ilijaš**

Izvođenje nastavnog procesa, kvalitet odgojno-obrazovne djelatnosti škole, pripremljenost mladih generacija za život i nastavak školovanja u mnogome zavisi od stručnosti onih koji učestvuju u odgojno-obrazovnom procesu, nastavnika i stručnih saradnika. Nastavu u osnovnim školama realiziraju nastavnici razredne i predmetne nastave. U osnovnim školama na području općine Ilijaš zaposleno je ukupno 253,95 radnika od kojih je 175,05 nastavnika (nastavnici razredne nastave i nastavnici predmetne nastave) i 78,09 izvan nastavnog procesa (pedagog, socijalni radnik, direktor, bibliotekar, sekretar, finansijski radnik, radnici na održavanju čistoće i sl.). Broj nastavnika potrebnih za realizaciju nastave proizlazi iz sedmičnog fonda sati svakog pojedinog predmeta koji je propisan nastavnim planom i programom.

R.B.	Naziv škole	Nastavno osoblje	Ostali zaposlenici	Ukupno
1.	OŠ "Stari Ilijaš"	38,59	22	60,59
2.	OŠ "Hašim Spahić"	37,46	16,9	54,36
3.	OŠ "Podlugovi"	46	16	62
4.	OŠ "Srednje"	29	16	45
5.	OŠ "Đulistan"	24	8	32
<b>Ukupno</b>		<b>175,05</b>	<b>78,09</b>	<b>253,95</b>

**Tabela 5. Broj zaposlenih u osnovnim školama**

Nastavnike kojima se umanjuje nastavna norma u zavisnosti od broja odjeljenja, škole zbrinjavaju preraspodjelom na nivou škole unutar zakonskog okvira i profila nastavnika. Ukoliko to nije moguće škola nastavnika proglašava tehnološkim viškom. Tehnološki višak zbrinjava se na osnovu prijedloga škole i rješenja resornog ministarstva kao prioritet u drugim školama. Pojedini nastavnici rade u dvije, pa i tri osnovne škole kako bi dopunili nastavnu normu. Za obavljanje pedagoških, pedagoško-psiholoških i bibliotekarskih poslova osnovna škola ima stručne saradnike: pedagoga i bibliotekara, a može imati i psihologa, socijalnog radnika i druge saradnike. Broj stručnih saradnika i saradnika, te

obavljanje njihovih poslova u osnovnoj školi, utvrđuje se u skladu sa Pedagoškim standardima.

Kako bi se proces implementacije modela inkluzivnog obrazovanja u osnovnim školama unaprijedio, potrebno je zapošljavanje stručnih kadrova. Prvenstveno se misli na: defektologe, logopede, surdoaudiologe, edukatore-rehabilitatore i sl. U procesu realizacije nastave te implemetacije modela inkluzivnog obrazovanja značajnu ulogu imaju i volonteri/pripravnici koje škole angažuju u skladu sa raspoloživim kapacitetima i programima Zavoda za zapošljavanje.

### **1.5. Vannastavne aktivnosti i takmičenja**

U svim osnovnim školama općine veliki broj učenika uključen je u vannastavne aktivnosti kroz rad niza sekcija, koje su raznolike te omogućavaju učenicima da razvijaju svoje talente i znanje. U svim školama postoje kulturno-umjetničke, tehničke i nastavne, sportske te ostale sekcije koje su prikazane u tabeli br. 6. Rezultate rada mnogih od ovih sekcija možemo vidjeti prilikom obilježavanja značajnih datuma, ne samo za školu, nego i za općinu. Škole sa svojim sekcijama uvijek se rado odazovu na poziv za učešće na nekoj od manifestacija. Trud i vrijedan rad učenika koji učestvuju u vannastavnim aktivnostima rezultira izvanrednim plasmanima na svim takmičenjima. U skladu sa Kalendarom takmičenja, smotri i drugih manifestacija u organizaciji i učešću Ministarstva za obrazovanje, nauku i mlade Kantona Sarajevo/Prosvjetno-pedagoškog zavoda sve osnovne škole na području općine Ilijaš u saradnji sa Općinom Ilijaš organizuju i provode općinska takmičenja iz bosanskog jezika i književnosti, matematike, fizike, informatike, geografije, engleskog jezika, njemačkog jezika, tehničke kulture te smotru kulturno-umjetničkog stvaralaštva. Učenici osnovnih kola sa područja općine Ilijaš predstavljaju općinu i na kantonalnim i federalnim takmičenjima te ostvaruju zapažene rezultate. U okviru vannastavnih aktivnosti sve škole na području općine Ilijaš organizuju i izlete, posjete i ekskurzije učenika tokom cijele godine. Učenici imaju priliku posjetiti najznačajnije kulturno-historijske znamenitosti Bosne i Hercegovine, muzeje i galerije, sajmove knjiga i sl. Pored navednog Ministarstvo obrazovanja, nauke i mladih Kantona Sarajevo finansira Škole plivanja, skijanja i planinarenja za učenike osnovnih škola. Također, veliki broj osnovaca učestvuje u radnim akcijama u kojima iskazuju svoj odnos prema okolini te kroz obilježavanje značajnih ekoloških datuma ukazuju na značaj zaštite i očuvanja prirode.

***Shodno Odluci Vlade Kantona Sarajevo i Naredbi Ministarstva za obrazovanje, nauku i mlade Kantona Sarajevo, broj: 11-34-8727/20 od 24.03.2020. godine prema kojoj je zbog epidemiološke situacije, odgođena redovna realizacija odgojno-obrazovnog procesa u svim školama, direktor/ice osnovnih škola donijeli su odluke o obustavljanju rada sekcija te dodatne nastave te je većina društvenih i kulturnih aktivnosti u drugom polugodištu organizovana online. Odlukom Ministarstva za obrazovanje, nauku i mlade Kantona Sarajevo prekinuta su i do daljnjeg odgođena općinska i kantonalna takmičenja učenika.***

R.B.	Naziv škole	Kulturno-umjetničke sekcije	Tehničke i nastavne sekcije	Sportske sekcije	Ostale sekcije
1.	OŠ "Stari Ilijaš"	Likovna, hor, literarna, dramsko-recitatorska, ritmička, fotografika, folklor, vjerski hor i kaligrafska sekcija	Engleski, turski, CIVITAS, informatička, tehnička, ekološka, cvječarska, mladi historičari, NUS i Prva pomoć te Škola saobraćajne patrola	Odbojkaška sekcija i mali fudbal	Izrada školskog časopisa
2.	OŠ "Hašim Spahić"	Likovna, mali hor, veliki hor i orkestar, hor ilahija i kasida, literarna, dramsko-recitatorska, ritmička, folklor, mali kreativci te hrana, zdravlje i kuhanje	Engleski, turski, njemački, informatička, tehnička, ekološka, mladi matematičari, geografska, mladi hemičari, historijska i biološka sekcija	Odbojkaška, sportska sekcija i atletika	Planinarska, izviđačka, ekološka sekcija te NUS i Prva pomoć
3.	OŠ "Podlugovi"	Dramsko-literarna sekcija, hor i orkestar, recitatorsko-novinarska, likovna sekcija uz estetsko uređenje škole, hor ilahija i kasida, ljubitelji filmske umjetnosti, mali hor, recitatorska sekcija, folklor, dramska sekcija te mali kreativci	Tehničko-saobraćajna sekcija, ekolozi, pomladak crvenog križa, CIVITAS, informatička sekcija i uređenje web stranice škole, mladi matematičari, mladi fizičari, mladi geografi, engleska i njemačka sekcija te vjeronauka	Atletika, odbojka i košarka	-
4.	OŠ "Srednje"	Folklor, horska i dramska sekcija, orkestar, literarno-recitatorska i sekcija vjeronauke	Ekološka, historijska, mladi geografi, NUS i PP, CIVITAS, tehnička i informatička sekcija i likovna sekcija	Odbojka i atletika	Ostale vannastavne aktivnosti
5.	OŠ "Đulistan"	Horska, dramsko-recitatorska, klub čitalaca, likovna sekcija i bulbuli	Mladi anglisti, novinarska, mladi informatičari, mladi matematičari, mladi tehničari, mladi fizičari, mladi geografi, kreativna radionica, sekcija vjeronauke i cvječarska sekcija	Sportska sekcija	-

**Tabela 6. Pregled sekcija u osnovnim školama**

### 1.6. Saradnja među školama

Saradnja među osnovnim školama na području općine Ilijaš postoji ali uglavnom se odvija kroz takmičenja u znanju i sportu. Zajedničkih projekata u pravom smislu riječi nema. Međutim, škole su dale niz konkretnih prijedloga za poboljšanje buduće saradnje: učešće škole gosta na priredbi, organizacija festivala na nivou općine na kojima bi se promovirala kulturna i historijska bogatstva naše općine i približila se učenicima i zajednici, podsticanje

stvaralaštva kroz dramske, likovne, literarne i druge susrete učenika na nivou općine Ilijaš te priprema i predstavljanje zajedničkih projekata. Uslijed pandemije COVID-19 nije bilo realizacije značajnih projekata između škola na području općine Ilijaš u školskoj 2019/20. godini.

### **1.7. Saradnja sa roditeljima**

Saradnja sa roditeljima odvija se kroz individualne razgovore sa roditeljima (informacije), roditeljske sastanke, Vijeće roditelja, radionice, okrugle stolove, predavanja, zajedničke seminarime sa učenicima i nastavnicima, učešće roditelja na časovima kroz prezentaciju svoga zanimanja i razne manifestacije koje organizuje škola (priredbe, druženja, takmičenja i sl.). Nastavnici i uprava škole nastoje roditeljima olakšati pristup informacijama kada su oni, iz opravdanih razloga, spriječeni da dođu u školu. Roditeljima su na raspolaganju i dežurni pedagozi i pomoćnici direktora. Škole se, za sada, susreću uglavnom sa manjim problemima zanemarivanja djece od strane roditelja u smislu nedovoljne brige o obavezama i pravima djeteta. U takvim situacijama razrednici i pedagoška služba imaju veoma važnu ulogu. Radi se prvenstveno o socijalno ugroženim porodicama, nepotpunim porodicama, porodicama romske nacionalnosti, roditeljima koji su u sukobu sa zakonom i sl. U drugom polugodištu školske 2019/20. godine, usljed odvijanja online nastave, roditeljski sastanci održavali su se online.

### **1.8. Uvjeti rada u osnovnim školama i realizirani projekti**

Pored savremenih nastavnih planova i programa, za kvalitetno obrazovanje veoma je bitan i ambijent te tehnička opremljenost škole u kojoj se odvija proces učenja. Uz podršku Općine Ilijaš te nadležnog ministarstva školski objekti na području općine Ilijaš stekli su dobre uslove za realizaciju odgojno-obrazovnog procesa. Međutim, itekako još postoje nedostaci i problemi sa kojima se škole susreću zbog nedostatka finansijskih sredstava. Kako bi se poboljšali uslovi rada, škole u saradnji sa raznim institucijama i organizacijama realiziraju projekte i kontinuirano rade na iznalaženju novih načina finansiranja tih projekata. Opremljenost nastavnim sredstvima i pomagalicama je solidna, bibliotečki fond zadovoljava, ali ga je neophodno stalno obnavljati novim naslovima i stručnom literaturom. Bez obzira na okolnosti, svaka osnovna škola se trudi da realizira projekte od značaja za unapređenje nastavnog procesa.

U osnovnoj školi "Stari Ilijaš" u Ilijašu nastava se izvodi u 10 kabineta i 9 učionica za rad. Pored navedenih prostorija škola ima fiskulturnu salu u kojoj se izvodi nastava tjelesnog i zdravstvenog odgoja koja još nije u potpunosti opremljena nastavnim sredstvima i opremom za tjelesni odgoj. Opremljenost kabineta i učionica namještajem i opremom u potpunosti zadovoljava potrebe savremene nastave, međutim kad su u pitanju nastavna sredstva i očigledna sredstva treba istaći da istih nedostaje. Škola nema dovoljno nastavnih sredstava sa kojim bi se izvodila savremena nastava. Nastavna sredstva se sporo nabavljaju jer su problem finansije. Školska biblioteka nema propisani fond školske lektire predviđen Nastavnim planom i programom. Nabavka nastavnih sredstava, školske lektire, stručne literature i časopisa i drugih sredstava i učila je prioritetan zadatak u narednom periodu.

Tokom rata svi školski objekti na području općine Ilijaš bili su znatno oštećeni ili porušeni. Centralna škola "Hašim Spahić" u Ilijašu je u tri navrata adaptirana doniranim sredstvima,

jer je adaptacija vršena parcijalno, te je objekat trenutno u dobrom stanju. S obzirom da objekat nije u potpunosti prilagođen standardima za školske objekte, nema kabineta–prostore za nastavnika, uzani hodnici i stepeništa u kojima se stvara gužva pri odlasku i dolasku učenika do kabineta, problem nedostatka prostora za nesmetan rad sekcija i vannastavnih aktivnosti škole, a prostor je posebno nedovoljan ako se uzme u obzir provođenje reformi osnovnog obrazovanja i odgoja čine limitirajućim odgojni-obrazovni rad u školi. Ispod većeg dijela zgrade se nalazi podrum u koji se, kod velikih padavina, vraća voda i tako ga plavi. U toku ljetnog raspusta 2016. godine u potpunosti je implementiran Projekat „Potpune energetske efikasnosti“ - promijenjena kompletna fasadna stolarija, ugrađena termofasada, djelimično renovirana grejna podstanica i djelimično ugrađena led rasvjeta. U međuvremenu, ugrađena je i renovirana led rasvjeta u svim hodnicima, kancelarijama i u nekoliko kabineta. Takođe u VI mjesecu 2018. godine počela je izgradnja nove fiskulturne sale dimenzija 30x18m<sup>2</sup> i ista je završena i puštena u upotrebu u aprilu 2019. godine čime su učenici škole dobili odlične uslove za izvođenje nastave iz predmeta TZO. Tokom 2019. godine JU OŠ "Hašim Spahić" doznačena su sredstva za finansiranje kupovine mašine za čišćenje podova u iznosu od 5.878,10KM. U januaru 2020. godine počeli su radovi na prenamjeni stare fiskulturne sale u prostor za produženi boravak učenika i kuhinje. Radovi su završeni u augustu 2020. godine. Tokom školske 2020/2021. godine planirano je otvaranje produženog boravka i kuhinje čime će se steći uslovi da škola ima produženi boravak učenika. Objekat škole je djelimično ograđen.

U osnovnoj školi "Podlugovi" u Ilijašu nastava se izvodi u 8 kabineta i 10 učionica za rad. Škola nema dovoljno nastavnih sredstava sa kojim bi se izvodila savremena nastava. Nastavna sredstva se sporo nabavljaju jer su problem finansije. Ministarstvo za prostorno uređenje, građenje i zaštitu okoliša Kantona Sarajevo uz sufinansiranje Općine Ilijaš realizovalo je projekte energetske efikasnosti u OŠ "Podlugovi" i područnoj školi u Gajevima. Riječ je o ugradnji toplotne fasade i zamijeni stolarije u vrijednosti od 140.000 KM. Uslovi izvođenja nastave u OŠ "Podlugovi" znatno su poboljšani zahvaljujući saradnji Općine Ilijaš i UNDP-a. Novim klupama i stolicama opremljena je kompletna škola. Vrijednost projekta je 38.640 KM. Od toga je Općina Ilijaš izdvojila 22.722 KM, a UNDP 17.000 KM. Općina Ilijaš je tokom 2019. godine sufinansirala i nabavku sportskih rekvizita za potrebe izvođenja nastavke tjelesnog i zdravstvenog odgoja u Osnovnoj školi "Podlugovi" u iznosu od 3.000,00 KM.

U osnovnoj školi "Srednje" nastava se izvodi u 9 učionica i 20 kabineta. U 2019. godini u saradnji sa UNDP u BiH sanirana je i utopljena područna škola u Gajevima. Ovaj projekat općina je sufinansirala sa 20.526,32KM na ime kontribucije Općine Ilijaš za implementaciju projekta "Zeleni ekonomski razvoj-Povećanje energetske efikasnosti u javnom sektoru u Bosni i Hercegovini". Pored navedenog Općina Ilijaš je obezbjedila dodatnih 6.000,00KM sa sanaciju učionica i mokrih čvorova u ovoj školi.

Nastava u osnovnoj školi "Đulistan" izvodi se u 7 kabineta i 15 učionica. Nastava se odvija u zgradi škole čija površina i opremljenost zadovolja trenutne potrebe škole. Za realizaciju časova tjelesnog i zdravstvenog odgoja, kao i određenih vannastavne aktivnosti koristi se sportska sala sa pratećim sadržajima čiji je vlasnik "Perzijsko-bosanski koledž sa internatom". Na istoj adresi osnivač posjeduje Ustanovu u privatnoj svojini "Perzijsko-bosanskog koledž sa internatom". Ove dvije ustanove zajedno koriste usluge kuhinje kao i pojedinu tehničku opremu. PU OŠ "Đulistan" Lješevo odobrena su finansijska sredstva u

iznosu od 2.000,00KM za sufinansiranje nabavke pametne table.

U cilju pružanja podrške školama u procesu odvijanja online nastave, u aprilu 2020. godine Općina Ilijaš i JKP "Vodostan" donirali su 50 aparata osnovnim školama sa područja općine Ilijaš i to 40 tableta i 10 PC računara.

## **2. STANJE U SREDNJIM ŠKOLAMA NA PODRUČJU OPĆINE ILIJAŠ**

### **2.1. Broj srednjih škola**

Na području općine Ilijaš djeluju dvije (2) srednje škole i to:

1. JU Srednjoškolski centar "Nedžad Ibrišimović" i
2. PU "Perzijsko-bosanski koledž sa internatom" Lješevu

### **2.2. Broj učenika i broj odjeljenja u srednjim školama**

U školskoj 2019/20. godini u dvije (2) srednje škole na području općine pohađalo je ukupno 441 učenik koji su nastavu pohađali u 23 odjeljenja. Broj upisanih učenika na početku školske 2020/21. godine iznosi 458 u 23 odjeljenja. Do značajnog povećanja broja učenika došlo je u JU SŠC "Nedžad Ibrišimović", dok je u PU "Perzijsko-bosanskog koledža sa internatom" smanjen broj upisanih učenika u odnosu na prethodne godine. U školama nisu formirana posebna odjeljenja za učenike sa poteškoćama u razvoju. U školskoj 2019/20. godinu nastavu u srednjim školama pohađalo je 7 učenika sa poteškoćama u razvoju, uz napomenu da je većina smetnji višestruka te su pojedini učenici svrstani u više kategorija.

Učenici sa poteškoćama u razvoju svoje obrazovne potrebe zadovoljavaju kroz uključenost u redovno obrazovanje (inkluzivna nastava), te je na taj način osobama sa različitim oblikom individualnosti omogućeno aktivno i ravnopravno sudjelovanje u društvu. Svi takvi učenici uključeni su u redovni nastavni proces prema prilagođenom nastavnom planu i programu koji prave sami nastavnici. U procesu realizacije nastave u odjeljenjima u kojima ima učenika sa poteškoćama u razvoju evidentan je nedostatak asistenata u nastavi kao i logopeda koji su predviđeni Pedagoškim standardima odgojno-obrazovnog procesa.

Kao i prethodnih godina, najveći broj učenika upisan je u JU SŠC "Nedžad Ibrišimović", u kojoj se realizuje gimnazijsko obrazovanje u tri izborna područja: opći smjer, jezičko te prirodno izbornu područje kao i specifično područje: gimnazija informatičkog usmjerenja/izbornog područja. Učenici se obrazuju za sljedeća zanimanja: Mašinski tehničar konstruktori na računaru, automehaničar, autolimar, bravar, zavarivač, frizer-vlasuljar, kozmetičar i prodavač te je uvedeno specifično zanimanje: operater na CNC mašinama. Praktična nastava se izvodi u školi za sljedeća stručna zanimanja: frizer-vlasuljar, kozmetičar, automehaničar, zavarivač, bravar, instalater za plinske instalacije, autolimar i mašinski tehničar dok se praktična nastava van škole odvija za sljedeća zanimanja: operateri na CNC mašinama, frizeri i prodavači. Realizovan je cjelokupan fond časova opće obrazovne, stručno-teorijske, izborne i praktične nastave kako je i planirano za školsku 2019/20. godinu.

"Perzijsko-bosanski koledž sa internatom" je ustanova u privatnoj svojini. Zastupljena su 4

izborna područja i to: matematičko-informatičko, pedagoško-psihološko i jezičko, matematičko-informatičko i jezičko. Realizovan je predviđeni fond sati i ostali nastavni sadržaji predviđeni nastavnim planom i programom rada škole za školsku 2019/20. godinu.

**Vlada Kantona Sarajevo je svojom Odlukom broj: 02-04-7374-2/20 od 11.03.2020. godine, a na osnovu naredbe Kriznog štaba Ministarstva zdravstva KS, obustavila redovni nastavni proces u svim srednjim školama, počev od 11.03.2020. godine do 25.03.2020. godine zbog pandemije koronavirusa. Istom Odlukom škole su bile obavezne, u skladu sa svojim mogućnostima, organizovati online nastavni proces počev od 12.03.2020. godine. U skladu sa navedenim, srednje škole na području općine Ilijaš organizovale su online nastavni proces i to preko edukativne platforme G-Suite (Google Suite for Education). Odvijanje online nastavnog procesa je izvršeno u skladu sa Instrukcijom i Uputstvom Ministarstva za obrazovanje, nauku i mlade KS o provođenju online nastave.**

**Ministarstvo za obrazovanje, nauku i mlade Kantona Sarajevo je svojom Naredbom broj: 11-34-8727/20 od 24.03.2020. godine odgodio do daljnjeg realizaciju redovnog odgojno-obrazovnog procesa u svim srednjim školama, te se u skladu sa tim nastavna godina u školskoj 2019/2020. godine završila putem online nastave. Od 12.03.2020. godine pa do kraja nastavne 2019/2020. godine svi vidovi nastave (redovna, dopunska, dodatna, slobodne aktivnosti, maturski i završni ispiti za redovne i vanredne učenike) su održavane i realizovane online putem preko platforme G-Suite.**

Uporedno brojno stanje učenika i odjeljenja u srednjim školama u školskoj 2017/18., 2018/19., 2019/20. i 2020/21. godinu dato je u Tabeli br.7.

R.B.	Naziv škole	Školska 2017/18.		Školska 2018/19.		Školska 2019/20.		Školska 2020/21.	
		Broj učenika	Broj odjeljenja	Broj učenika	Broj odjeljenja	Broj učenika	Broj odjeljenja	Broj učenika	Broj odjeljenja
1.	SŠC "Nedžad Ibrišimović"	406	18	409	18	409	19	431	19
2.	"Perzijsko-bosanski koledž sa internatom"	40	4	34	4	32	4	27	4
<b>Ukupno</b>		<b>446</b>	<b>22</b>	<b>443</b>	<b>22</b>	<b>441</b>	<b>23</b>	<b>458</b>	<b>23</b>

**Tabela 7. Brojno stanje učenika i odjeljenja u srednjim školama u protekle četiri godine**

### 2.3. Uspjeh učenika u učenju i vladanju na kraju školske 2018/19. godine

Prema dostavljenim Izvještajima o realizaciji Godišnjeg programa rada za školsku 2019/20. godinu te Godišnjih programa rada za školsku 2020/21. godinu od ukupnog broja učenika pozitivan uspjeh u školskoj 2018/19. ostvarilo je 435 učenika. Neocjenjenih učenika nije bilo. Srednja ocjena uspjeha učenika u SŠC "Nedžad Ibrišimović" tokom školske 2019/20. godine iznosi 4,04 dok je kod "Perzijsko-bosanskog koledža sa internatom" iznosila 4.64.

R.B.	Naziv škole	Odličan	Vrlodobar	Dobar	Dovoljan	Nedovoljan	Srednja ocjena uspjeha
1.	SŠC "Nedžad Ibrišimović"	126	183	192	8	-	4,04
2.	"Perzijsko-bosanski koledž sa internatom"	22	8	2	-	-	4,64
<b>Ukupno</b>		<b>148</b>	<b>191</b>	<b>194</b>	<b>8</b>	<b>-</b>	<b>4,34</b>

**Tabela 8. Pregled uspjeha učenika osnovnih škola u učenju tokom školske 2019/20.**

Kao i svake godine zabrinjava neredovno pohađanje nastave. Prema izvještajima naših škola broj izostanaka nastavnih sati učenika na kraju školske 2018/19. godine iznosio je 27.664, od čega je 34.618 izostanaka opravdanih, a 3.046 neopravdanih časova. U školskoj 2019/20. godini zabilježeno je ukupno 21.341 izostanak od čega je 15.059 opravdanih, a 2.282 neopravdanih časova. Kao i kod osnovnih škola, došlo je do smanjena broja izostanaka budući da nastavni proces odvijao online, ali da to ne umanjuje činjenicu da je broj izostanaka u svim školama alarmantan i da je neophodno iznalaženje rješenja za smanjenje izostanaka, neopravdanih i opravdanih.

R.B.	Naziv škole	Školska 2018/19.			Školska 2019/20.		
		Opravdano	Neopravdano	Ukupno	Opravdano	Neopravdano	Ukupno
1.	SŠC "Nedžad Ibrišimović"	22.799	3.018	25.817	16.858	2.260	19.118
2.	"Perzijsko-bosanski koledž sa internatom"	1.819	28	1.847	2.201	22	2.034
<b>Ukupno</b>		<b>24.618</b>	<b>3.046</b>	<b>27.664</b>	<b>19.059</b>	<b>2.282</b>	<b>21.341</b>

**Tabela 9. Pregled opravdanih i neopravdanih izostanaka**

## Odgojno–disciplinske mjere

Od ukupnog broja učenika koji su pohađali školsku 2019/20. godinu za njih 81 izrečene su sljedeće odgojno-disciplinske mjere:

Ukor razrednika: 36 učenika

Ukor Odjeljenjskog vijeća: 14 učenika

Ukor direktora: 17 učenika

Ukor Nastavničkog vijeća: 14 učenika

Isključenih učenika i premještaja u druge škole nije bilo.

U tabeli 10. prikazan je pregleda vladanja učenika u srednjim školama na području općine Ilijaš. Prikazano stanje pokazuje da su učenici tokom školske 2019/20. godine ostvarili primjerno vladanje što je bio i trend prethodnih školskih godina.

R.B.	Naziv škole	Primjerno	Vrlodobro	Dobro	Zadovoljava	Loše
1.	SŠC "Nedžad Ibrišimović"	328	36	14	17	14
2.10.20 19	"Perzijsko-bosanski koledž"	32	-	-	-	-

**Tabela 10. Pregled vladanja učenika srednjih škola**

### 2.4. Nastavnici, stručni saradnici i ostali uposlenici u srednjim školama na području općine Ilijaš

Izvođenje nastavnog procesa i kvalitet odgojno-obrazovne djelatnosti škole zavise od stručnosti onih koji učestvuju u odgojno-obrazovnom procesu, nastavnika i stručnih saradnika. U dvije srednje škole na području naše općine direktno u nastavi tokom školske 2019/20. godine bio je angažiran 62 uposlenika, a njihov broj proizlazi iz sedmičnog fonda sati svakog pojedinog predmeta koji je propisan nastavnim planom i programom. Van nastavnog procesa radila su 26 uposlenika (direktori, pomoćnici direktora, pedagozi, bibliotekari, administrativno–finansijski radnici, domari, radnici na održavanju čistoće i sl). Ukupan broj radnika u srednjim školama iznosio je 88 uposlenika.

R.B.	Naziv škole	Nastavno osoblje	Ostali zaposlenici	Ukupno
1.	SŠC "Nedžad Ibrišimović"	42	16	58
2.	"Perzijsko-bosanski koledž sa internatom"	20	10	30
<b>Ukupno</b>		<b>62</b>	<b>26</b>	<b>88</b>

**Tabela 11. Broj zaposlenih u srednjim školama**

Svi nastavnici imaju propisanu stručnu spremu i profil zanimanja, što znači da je sva nastava stručno zastupljena. Veliki broj nastavnika iz obje škole dopunjava normu u drugoj školi, na području općine, ali i šire. Prosvjetno-pedagoški zavod Kantona Sarajevo vršio je redovan nadzor nad radom nastavnika, stručnih saradnika i saradnika u svim školama te kontinuirano pratio njihov rad i vršio ocjenjivanje rada prema važećem pravilniku koji

regulira ovu oblast. Osim toga, praćenje rada nastavnika bio je redovna obaveza direktora i pedagoga svake škole.

## 2.5. Vannastavne aktivnosti, takmičenja i projekti

U razvijanju učeničkih vještina, pored osnovnog edukacijskog programa, značajan doprinos daju i vannastavne aktivnosti. One obuhvataju različite aktivnosti učenika u školi i organizaciji škole izvan programa redovne nastave, gdje učenici mogu proširiti svoja interesovanja. Slobodnijom organizacijom, planskim izvođenjem i raznovrsnijim sadržajima vannastavnih aktivnosti zadovoljavaju se posebne sklonosti i interesovanja učenika, te su integralni dio odgojno-obrazovnog rada škole. Ove aktivnosti su od posebnog značaja, kako za učenike, tako i za odgojno-obrazovne ustanove. Svoje znanje i vještine srednjoškolci naših škola dopunjavaju kroz aktivnosti u nizu sekcija koje rade pod stručnim nadzorom nastavnika, koje predstavljamo u tabeli 12. ***Kao i kod osnovnih škola, shodno Odluci Vlade Kantona Sarajevo i Naredbi Ministarstva za obrazovanje, nauku i mlade Kantona Sarajevo, broj: 11-34-8727/20 od 24.03.2020. godine prema kojoj je zbog epidemiološke situacije, odgođena redovna realizacija odgojno-obrazovnog procesa u svim školama, obustavljanjen je rad sekcija te dodatne nastave te je većina društvenih i kulturnih aktivnosti u drugom polugodištu organizovana online. Odlukom Ministarstva za obrazovanje, nauku i mlade Kantona Sarajevo prekinuta su i do daljnjeg odgođena općinska i kantonalna takmičenja učenika.***

R.B.	Naziv škole	Kulturno-umjetničke sekcije	Nastavne sekcije	Sportske sekcije	Ostale sekcije	Broj uključenih učenika
1.	SŠC "Nedžad Ibrišimović"	Dramsko-recitatorska, muzička-hor i orkestar, klub likovnih stvaralaca i klub lijepe riječi	CIVITAS, klub kreativnih mašinalaca, ekološka sekcija, salon ljepote, psihološka podrška i konstruisanje putem računara	Nogometni klub, atletska sekcija i sport-stoni tenis	Vijeće učenika i Udruženje-liga trezvenosti	293
2.	"Perzijsko-bosanski koledž sa internatom"	Recitatorska i dramska sekcija	Klub matematičara, klub fizičara, klub informatičara, geografska sekcija, sekcija engleskog jezika i CIVITAS	Odbojkaška i nogometna sekcija		106

**Tabela 12. Pregled sekcija u srednjim školama**

Aktivnim učešćem u radu sekcija učenici ne samo da proširuju svoja znanja, nego i razvijaju interesovanje za društveno-koristan rad i osposobljavaju se za aktivno učestvovanje u društvenom životu jer vrijeme ispunjavaju konstruktivno i kreativno. Uvijek su prisutni na kulturnim i sportskim manifestacijama i javnim aktivnostima u lokalnoj zajednici. Nažalost, zbog pandemije COVID -19 učenici nisu imali priliku da učestvuju na

općinskim, kantonalnim i federalnim takmičenjima. U organizaciji Federalnog ministarstva kulture i sporta održano je takmičenje pod nazivom Dani Europskog naslijeđa 2019 – Moja BiH na kojem je učenica SŠC "Nedžad Ibrišimović" Emina Muratović ostvarila prvo mjesto. Također, Emina Muratović je zauzela prvo mjesto i na Javnom pozivu "Pokloni pričaju" u organizaciji Agencije za prevenciju korupcije i koordinaciju borbe protiv korupcije.

Na osnovu Pravilnika o organizaciji i realizaciji izleta, studijskih posjeta, ekskurzija, kampovanja/logorovanja, društveno korisnog rada, škole su tokom školske 2019/20. godine realizovale niz aktivnosti za učenike i usposlenike škola do marta 2020. godine. Nakon što je proglašeno stanje pandemije u BiH, obustavljena su okupljanja te ove školske godine nisu realizovane ekskurzije za učenike.

Tokom školske 2018/19. godine SŠC "Ilijaš" realizovao je i niz projekata iz oblasti aktivizma:

- Usaradnji sa OO "Iskoristi dan – Carpe Diem" realizovan međunarodni projekat "YOUTH IN THE ROCKY BALKANS" (Regional Youth Cooperation Office -RYCO)
- Međunarodni projekat "Letters and cultures" u organizaciji Srednje škole iz Burse (Turska)
- Međunarodni projekat "A gdje će mladi?" (Inicijativa mladih za ljudska prava BiH i Nacionalni Demokratski Institut)
- Potpisan sporazum o saradnji sa Fakultetom sporta i tjesnog odgoja Univerziteta u Sarajevu
- Girls in ICT - CPCD
- Jedan dan – druga škola Mreža vijeća učenika Kantona Sarajevo
- Narandžasti dan - Institut za razvoj mladih KULT
- Putujuća izložba Anne Frank - Mreža Zapadnog Balkana i Fondacija Konrand Adenauer Sarajevo
- Malonogometna liga srednjih škola Kantona Sarajevo
- MICC Mostar- Projekat "Bosna i Hercegovina: Animiranje mladih za pomirenje "Budi inspiracija (YIHRBiH, USAID, NDI, Infohouse, WeB)
- "Like for the bike" (PH International, Bureau of Interantional Narcotis and Law Enforcement Affairs – INL)
- "Želim da odlučujem" (Vijeće učenika i Općina Ilijaš)
- Posjeta Memorijalnom centru Potočari (Ministarstvo za obrazovanje, nauku i mlade KS)
- Socijalni dan

U okviru svojih aktivnosti škola je ostvarila saradnju sa Crvenim križom Općine Ilijaš, EUFOR-om, MUP KS, Fakultetom za saobraćaj, Udruženjem "Djeca stubovi svijeta", Udruženjem INFO HAUS, Asocijacijom XY, World Vison, UNICEF BiH, TPO Fondacijom te Udruženjem NARKO-NE.

"Bosansko-perzijski koledž sa internatom" također je ostvario izvrsnu saradnju sa institucijama te su učenici ove škole uzeli učešće u relizaciji obilježavanja "Dana državnosti" u općinama Ilijaš, Breza i Visoko. Pored navedenog, tokom školske godine ostvarena je saradnja i sa Udruženjem roditelja ubijene djece Sarajeva, Burch univerzitetom te MUP Ilijaš.

## 2.6. Saradnja sa roditeljima

Saradnja škola sa roditeljima planirana je i odvija se uglavnom kroz roditeljske sastanke koji mogu biti opći i odjeljski. Opći roditeljski sastanak organizira se za učenike prvog razreda, a cilj mu je upoznavanje roditelja sa Pravilima škole, pravima i dužnostima učenika i roditelja. Ovakav roditeljski sastanak organizira se i za učenike trećeg razreda zbog organizacije maturalne ekskurzije. Sadržaj roditeljskih sastanaka proizlazi iz rezultata ostvarenih na polugodištu i problema koji se uoče u toku nastave. Individualna saradnja sa roditeljima ostvaruje se organizovanim susretima razrednika i roditelja u terminima koji odrede razrednici. Škole dobru saradnju ostvaruju sa Vijećima roditelja koji su uključeni u organizaciju izleta i ekskurzija, obilježavanja dana škole te analizu uspjeha učenika u učenju i vladanju na kraju I i II polugodišta školske godine. ***U drugom polugodištu školske 2019/20. godine, usljed odvijanja online nastave, roditeljski sastanci održavali su se putem online platformi.***

## 2.7. Stanje školske infrastrukture

Nastavni proces u SŠC "Nedžad Ibrišimović" realizuje se u 11 kabineta, 9 učionica te 3 radionice. Kabineti i učionice su namjenski uslovne i opremljene dok su radionice uslovne ali samo djelomično opremljene. Škola posjeduje biblioteku u okviru koje se nalazi čitaonica. Realizacijom 890.000,00 KM vrijednog projekta izgradnje fiskulturne sale u Srednjoškolskom centru "Nedžad Ibrišimović" riješio se višegodišnji problem odvijanja nastave tjelesnog i zdravstvenog odgoja, a ta savremena dvorana otvorena je i poklonjena učenicima i profesorima u povodu Dana općine Ilijaš i Dana nezavisnosti Bosne i Hercegovine. Vlada Kantona Sarajevo, preko Ministarstva za obrazovanja, nauku i mlade KS izdvojila je 650.000,00 KM za realizaciju ovog projekta dok je iz budžeta Općine Ilijaš izdvojeno 240.000,00 KM. U okviru projekta izvršena je nabavka i ugradnja opreme te je općina Ilijaš izdvojila dodatna finansijska sredstva za potpunu rekonstrukciju mokrih čvorovi i svlačionica. U školskoj 2019/20. godini realizovan je i prijem 28 računara za potrebe realizacije projekta "Elektronski dnevnik" kojeg je implemetiralo Ministarstvo obrazovanja, nauke i mladih KS. JU SŠC "Nedžad Ibrišimović" odobren je projekat Federalnog ministarstva obrazovanja, nauke i informisanja "Podizanje kvalitete praktične nastave za zanimanje Operater na CNC mašinama" u okviru kojeg je nabavljena CNC graverka 4060 za potrebe praktične nastave za učenike mašinske tehničke i mašinske stručne škole.

"Perzijsko-bosanski koledž sa internatom" kao privatna ustanova raspolaže sa 3 kabineta, 4 učionice i 1 laboratorijem. U okviru škole nalazi se i sala za tjelesni odgoj te biblioteka sa čitaonicom kao i kuhinja te internat za boravak učenika. Škola raspolaže i nastavnim sredstvima, opremom i pomagalicama za rad, a kao jedan od ciljeva za unaprijeđenje nastavnog procesa navedena je nepohodnost unaprijeđenja materijalno-tehničkih sredstava škole.

Planom i programom rada Općinskog vijeća Ilijaš za 2020. godinu, predviđeno je razmatranje Informacije o uspjehu učenika osnovnih i srednjih škola u učenju i odgoju u školskoj 2019/20. godini. Služba za društvene djelatnosti i poslove mjesnih zajednica pristupila je izradi Informacije na osnovu izvještaja o realizaciji godišnjih programa rada

škola za školsku 2019/20. godinu i Godišnjih programa rada za školsku 2020/21. godinu, a na osnovu Zakona o osnovnom odgoju i obrazovanju Kantona Sarajevo ("Službene novine Kantona Sarajevo", broj: 23/17, 33/17, 30/19 i 34/20) i Zakona o srednjem obrazovanju Kantona Sarajevo ("Službene novine Kantona Sarajevo", broj: 23/17 i 30/19). Informacije se na uvid dostavlja Općinskom vijeću Ilijaš u cilju upoznavanja sa svim relevantnim podacima, problemima i potrebama sa kojima se susreću osnovne i srednje škole sa područja općine Ilijaš. Iako je Skupština Kantona Sarajevo osnivač svih škola i da iste posluju na principu trezorskog poslovanja, veoma je značajna uloga lokalne samouprave u procesu pružanja kvalitetnog odgojno-obrazovnog procesa te opremljenosti škola. Nakon proglašenja pandemije COVID-19 i Odluke Ministarstva obrazovanja, nauke i mladih KS o odvijanju online nastave, menadžmenti osnovnih i srednjih škola bili su suočeni sa mnogobrojnim problemima, kao što su nedostatak računarske opreme te loša internet konekcija u domovima učenika ali i u školama. Bez obzira na navedeno, planirani nastavni i vannastavni sadržaji za školsku 2019/20. godinu su uspješno realizirani, a potrebna računarska oprema nabavljena je uglavnom od donacija međunarodnih organizacija, privatnih firmi i preduzeća kao i uz podršku Općine Ilijaš te Ministarstva obrazovanja, nauke i mladih KS. U narednom periodu potrebno je nastaviti pružati podršku školama u procesu finansiranja nabavke informatičke opreme te jačanja Internet konekcije u školama. Pored problema nedostatka informatičke opreme, jedan od problema koji smo detektovali prilikom izrade Informacije jeste veliki broj izostanaka sa nastavnih sati. I ranije analize podataka koje škole dostavljaju su pokazale postojanje navedenog problema. Iako je drugo polugodište školske 2019/20. godine realizovano putem online platformi i dalje je evidentan visok stepen izostanaka učenika. Budući da veliki broj izostanaka stalan predlažemo da se hitno pronađe način na koji bi se osigurao kontinuiran rad i aktivno uključivanje stručno razvojnih grupa u školama, kao i roditelja učenika na rješavanju ovog problema. Osjetan je nedostatak stručnih saradnika naročito asistenata u nastavi, logopeda i defektologa, a dijelom i psihologa koji bi radili sa učenicima koji imaju teškoća u praćenju redovne nastave usljed psiho-fizičkog stanja. Predlažemo da se općinskim budžetom za narednu godinu planiraju sredstva namijenjena za finansiranje projekata koji su predloženi za poboljšanje saradnje među školama (festivali, dodatna takmičenja, kulturno-historijske posjete, literarne i dramske susrete na nivou općine Ilijaš). Potrebno je nastaviti pružati podršku realizaciji vannastavnih aktivnosti, školskih i sportskih sekcija. Posebno je značajno uključivanje školske populacije u takmičarskim programima te obilježavanjima značajnih događaja i datuma na prostoru Općine. Također, od značaja je davanje podrške saradnji sa stručnim nevladinim udruženjima i organizacijama, koji u fokusu rada imaju populaciju mladih te pružanje podrške školama u procesu apliciranja na javne pozive domaćih te međunarodnih organizacija.

#### OBRAĐIVAČ:

Služba za društvene djelatnosti i poslove mjesnih zajednica, shodno odredbi člana 112. Poslovnika Općinskog vijeća Ilijaš /"Službene novine Kantona Sarajevo", broj: 02/10 i 18/15/.